

新纂雲南通志

第二函
第十冊

新纂雲南通志卷一百六十九目錄

族姓考一

氏族之衍變

新纂雲南通志卷一百六十九

族姓考一

昔孟子謂舜爲東夷之人文王爲西夷之人得志行乎中國若合符節蓋中國所謂華夷之分純以其文化之發達與否爲斷餘不與焉中華民族爲整個民族無論漢滿蒙回藏苗以及其他各族皆華族中分支之氏族亦即四海之內皆兄弟之義此與狹義之民族觀念固有不同也雲南族姓繁多漢回二族外擺夷羅羅摩些等族人亦不少茲略舉其衍變之蹟更詳考滇夜郎句町哀牢爨蒙以迄大理梁王沐藩等繹述其世系兼明其因革舊志封爵亦統括於此若夫各族之現在與將來蓋出自幽谷遷於喬木乃自然演進之趨勢有舉其未進化時之陋俗以誇博異者只足以啓氏族間不良之觀感

且以意附會者居多未必實然今一概不取以示中華大一統之意云

氏族之衍變

雲南省古在要荒之域蠻夷居之其名稱因時因人而異舉其犖犖

著者則曰夷史記以西南夷題篇曰氏曰蠻史記西南夷列傳曰夜郎滇邛都嵩昆明徙徠都冉驪白馬皆氏類也皆巴蜀西南外蠻夷也曰越曰漢華陽國志南中在昔

夷越之地又曰夷濮阻城咸怨曰羌隋書地理志蠻固南方民族之正名禮記王制南方曰蠻夷雖在東方禮記王制東方曰夷而

詩稱荆楚爲南夷魯頌閼宮及彼南夷莫不率從毛傳南夷荆楚也則南人可以名夷也氏羌皆在秦隴

蜀之西漢書地理志金城郡臨羌破羌隴西郡羌道氏道廣漢郡甸氏道剛氏道蜀郡湍氏道而南人與之同類則南人可以名氏

羌也越在會稽而周王命楚鎮南方夷越之亂史記楚世家成王及位布德施惠結舊好於諸侯使人獻天子天子賜胙曰鎮爾南

方夷越之亂無侵中國則南人可以稱越也漢古在江漢之南書牧誓孔傳而杜預謂建寧

有濮夷見左傳釋例今順寧有蒲人濮蒲皆一聲之轉其實一也爰自西周

以上秦隴巴蜀荆楚皆蠻夷所居降及春秋戰國工商勃興交通頻
煩諸侯競以闢地爲利楚蚡冒武王相繼啓濮秦惠王滅蜀取巴始
皇以陸梁置南海桂林象郡於是蠻夷始局促於黔中巴蜀以西及
楚威王時使將軍莊蹻將兵循江上略巴蜀黔中以西蹻至滇池地
方三百里旁平地肥饒數千里以兵威定屬楚欲歸報會秦擊奪楚
巴黔諸郡道塞不通因還以其衆王滇變服從俗以長之

見史記西
南夷傳

是爲

漢人入雲南之始顧蹻所率人數西南夷傳未明言楚世家並其事
亦不載意不過一偏師而已莊蹻所屬之地後因闢爲益州郡而益
州二十四縣中東部諸縣割自牂牁西北諸縣分自越巂西部諸縣
得於昆明

見後漢書西
南夷列傳

滇王轄境漢人得雜蠻夷而居之地不過今雲南

之中部其土地之大人口之衆尙不及夜郎

史記西南夷列傳唐蒙約夜郎置吏以爲犍爲
郡後又誅頭蘭卽且蘭以爲牂牁郡而先南

史徵兵於夜郎惟且蘭恐遠行與其衆反則且蘭亦夜郎屬漢書地理志犍爲郡應劭曰故夜郎國牂牁郡縣有故且蘭應劭曰故且蘭侯邑也有夜郎應劭曰故夜郎侯邑足見夜郎實跨犍爲牂牁二郡地史記西南夷列傳又云夜郎所有精兵可得十餘萬又云滇王者其衆數萬人滇寡夜郎衆可見也

而轄境以內漢夷相較漢人少夷人多少不能逆衆故躡

變服從夷俗戍卒隻身越萬里而來其勢不得不與蠻夷通婚姻婚

姻通風俗同故不數世而化爲夷不知爲漢廣大史記西南夷傳滇王與漢使者言曰漢孰與我大及夜郎侯亦然以道不

通故各自以爲一州主不知漢廣大其苗裔可見者如唐松外諸蠻戴漢姓而習俗與蠻夷大

抵無異太平寰宇記松外諸蠻唐貞觀末爲寇遣兵從西洱河討之其西洱河從瀾州四千五百里其地有數十部落大者五六百戶小者二三百戶無大君長有數十姓以楊李趙董爲名家各擅山川不相役屬自云其先本漢人有城郭村邑

矢矛鏃言語雖小說舛大略與中夏同有文字頗解陰陽算數自夜郎滇池以西皆云莊蹻之餘種也通鑑唐紀梁建方遣使者詣西洱河其帥楊盛大駭具船將通使者曉諭以威信盛遂請降其地有楊李趙董等姓各據一州大者六百小者二三百戶不相統一語雖小

說其生業風俗大略與中國同自云本皆華人其所異者以十二月爲歲首兩漢蠻夷酋長漢姓者蓋亦漢夷之混血也若漢書越蕞蠻

夷任貴華陽國志益州夷帥劉胄五苓夷酋于承陵漢興開蜀故徼巴蜀民或竊出商賈取其犴馬焚僮髦

牛而蜀枸醬入夜郎浮牂牁江達南越蜀布邛竹杖輸身毒故雖不

通懋遷有無漢民當有南移者時西南夷君長以什數夜郎最大今曲

靖一帶屬之

其西靡莫之屬以什數滇最大

在今滇中及滇東北

自滇以北君長以什數邛

都最大

今滇西北麗江一帶屬之

此皆魍結耕田有邑聚

按此數部多原隰又近中國或又受莊蹻之化故知農事

其外西自同師

以東北至葉榆名為嵩昆明

在今大理以西北

皆編髮隨畜遷徙毋常處毋君長

地方可數千里自嵩以東北君長以什數徙笮都最大

在今四川越嶲

自笮以

東北君長以什數冉駹最大

在今西康

其俗或土著或移徙在蜀之西自冉

駹以東北君長以什數白馬最大

按在今陝西西部

皆氏類也皆巴蜀西南外蠻

夷也

見史記西

武帝使使發兵降平之因夜郎及其旁小邑置犍為牂牁

二入郡因邛都置越嶲郡因勞浸靡莫滇置益州郡後數年復并昆

明地益州郡光武明帝時哀牢王率種人內屬闢其地為永昌郡皆

因封其王侯

武帝封夜郎王滇王鉤町王漏臥侯見史記及漢書西南夷列傳哀牢雖不明錫封侯而實仍之其稱邑王者七十七人焉見後漢書其為守令者唐蒙約夜郎王置吏以其子為令見史記西南夷列傳光

武封長貴為邛穀王既又授越嶲太守見後漢書西南夷列傳

與守令並治終兩漢之世漢人少夷人多往往殺

長吏爲叛亂

昭帝始元元年益州廉頭姑繒民反殺長吏牂牁談指同並二十四邑凡二萬餘人反水衡都尉破之後三歲姑繒葉榆復反殺太守遣田廣明破之成帝河平中夜郎鉤町漏臥舉兵相攻陳立平之王莽時鉤町王反殺

益州大尹發兵討之不勝而還建武十八年夷渠帥棟蠶與姑復謀檄弄棟連然滇池建伶諸種反叛殺長吏劉尚討平之建初元年哀牢王殺守令反明年發越嶲益州永昌夷漢討平之安帝元初五年永昌益州蜀郡夷叛應邛都夷封離楊疎討平之靈帝熹平五年諸

夷叛執太守李容發板楯蠻擊破平之初武帝開四郡司馬相如韓說乃募徙死罪及奸豪實之

見華陽國志

帝惡南越相呂嘉徙其子孫於不韋

見後漢書西南夷列傳引孫盛蜀譜地理志注夷

俗或牧畜

見史記西南夷列傳

或畬山爲田

見華陽國志

刀耕火種

人多挾廢居有無之術漸壟斷其鹽池金銀之利

史記西南夷列傳云蜀民或竊出商賈取其筰馬鹽鐵以此巴蜀殷富又

曰南越以財物役屬夜郎西至同師華陽國志後漢書西南夷列傳並云滇有鹽池田漁之饒金銀畜產之富人俗豪俠隨書地理志云其邊野富人多規固山澤以財物役屬夷獠故輕爲姦藏權傾州縣太平寰宇記云昆明有鹽鐵之利尤爲邦邑之繁會昔爲氏豪所據

蜀將張巖殺其豪帥塗擅鹽鐵之利皆可見漢人以財役蠻夷而華陽國志有鐵官令毛銑則漢官實私鹽鐵之富用此富豪大姓傾動州郡

漢書西南夷列傳蠻夷愁擾殺大姓程隆華陽國志

南中志後漢書西南夷列傳公孫述時牂牁大姓龍傳尹董氏與郡功曹謝暹保境漢晉時益州大姓有龍傳董尹繁縣有王氏建寧有五部四姓冢部曲朱提大姓有朱魯雷與律高大姓有陳高趙謝楊氏

蜀漢東西晉間

州郡漢人財勢益張或仕郡縣爲吏

建寧李恢爲郡都郵蠡習爲建伶令永昌呂凱事郡爲五官掾皆見三國志建寧大姓鐵官令毛銑朱提大姓大中大夫李猛

犍爲太守朱提雷紹李恢孫益州太守李湯犍爲太守建寧孟才平樂太守朱提李壯牙或以一方鄉愿人望若

門將軍建寧董元毛昊孟通蠡雄李松王素而蠡氏自蠡習以後爲太守刺史者不計焉

雍闓孟獲朱褒之徒裹脅蠻夷據郡為叛亂

雍闓三國志謂其為益州太守華陽國志謂其為益州大姓皆不言其為夷會華陽國志

使建寧孟獲夷曰官欲得鳥頭三百頭膺前盡黑端腦三頭斲木楫三丈者三千枚汝能得不夷以為然皆從闓斬木堅剛性委曲高不至二丈故獲以欺夷據此可知蠻夷實不欲叛而闓獲誘惑之三國志注引漢晉春秋云孟獲者並為夷漢所服華陽國志言朱提朱

褒以郡丞領太守華陽志又云朱提大姓朱魯雷興仇邁高李亦有部曲皆一方土豪也

國家亦陰以羈縻為策

即因其財勢使各建部曲馭蠻夷居以顯位奕世襲官

三國蜀志亮率眾討雍闓參軍馬謖送之數十里亮

曰雖其謀之歷年今可更惠良規謖曰南中恃其險遠不服久矣今日破之明日復反耳今公方領國北伐以事彊賊彼知官勢內虛其叛亦速若殄盡遺類以除後患即非仁者之情且又不可倉卒也夫用兵之道攻心為上攻城為下心戰為上兵戰為下願公服其心而

已亮納其言三國志注引漢晉春秋云亮在滇池南中平皆即其渠帥而用之華陽國志云亮分其羸弱配為大姓焦雍蠻孟董毛李為部曲置五部都尉號五子故南人言四姓為五子也以夷多剛很不宜大姓富豪乃勸令出金帛招來惡夷為家部曲得多奕世襲官

於是人貪貨物以漸附屬於漢成為漢部曲收其俊傑建寧蠻習朱提孟炎及獲為其末流馴至借夷勢輕為

禍變以要私利

華陽國志云與夷為姓曰遑耶諸姓為自有耶世亂犯法則依藏匿或有為官所法夷或為報仇與夷至厚者謂之百世遑耶恩若骨肉為其逋逃之藪故南人輕為禍變特此也

李猛周昺之徒皆以小故謀逆

毛銑為建寧大姓鐵官令李猛為朱提大姓大中大夫並見華陽國志蓋亦雍闓孟獲之流銑因被奪官猛因弟分當舉而不得遂合叛

武侯南征遷青羌萬餘家於蜀為五部

華陽國志

後南夷復叛殺害守將李

恢身往撲討鉏盡惡類徙其豪帥於成都而遷濮民數千落與雲

新纂雲南通志 卷一百六十九 族姓考一 氏族之衍變

南建寧以實二郡

華陽國志

晉世蠻夷部落著者凡五十八部

華陽國志李恢爲校尉持節統兵鎮南中統五十八

部夷族都監行事

夜郎邛笮之君各襲位統其衆

通鑑晉紀孝武帝寧康元年邛笮夜郎皆附於秦

其夷人族類可知

者談豪有濮獠伶邱有主獠興古多鳩獠濮味縣高山山水之間悉

是木耳夷居語言不同嗜欲亦異永昌郡有穿胸儋耳閩濮鳩獠獠

越裸濮身毒之民

並見華陽國志

而寧州附塞五苓夷以西晉時擾益州勢最

盛中原多故漢弱夷強土人屈塞

並見華陽國志

漢民或入交州或入永昌越

雋牂牁半亦爲夷所困虜

華陽國志

及王遜至始招集夷民討滅五苓夷及

討惡剛獠夷數千落

華陽國志

北魏時漢嘉越雋有笮夷

見水經注

至於隋蠻夷酋

長皆以金多者爲豪雋遞相攻奪略無寧歲

通鑑隋紀

爨氏以宦自東漢來

居建寧

新唐書南蠻傳西蠻自云本安邑人七世祖晉南寧太守中國亂遂王蠻中

歷東晉南北朝迭爲叛亂

晉明帝太寧三年量水太守爨量叛附於成宋文帝元嘉

十八年晉寧太守爨松子反

至於隋益與蠻夷合叛自青蛉川至於南中夷人渠濫川三

十餘部夷皆爲爨氏屯據抗命

並見隋書

中原人雖入滇仕宦者不絕

大爨碑陰武昌雁門

紫陽巴蜀之人咸仕於滇

而蠻多漢人少

南齊書州郡志

梁太清二年寧州刺史徐文盛募數萬

人至荊州赴國難

見南史徐文盛傳

漢人蓋益寡爨氏益就夷俗至於唐遂假巫

教身自鬼主因馭蠻夷爲用

華陽國志云南人俗徵鬼巫好詛盟投石結草官常以盟詛要之又云張裔爲太守雍闓假鬼教曰張裔府君如瓠壺外雖澤而內實蠱殺之不可縛與吳於

是執送裔於吳漢假鬼教治夷魏晉已然蠻書云爨歸王兄摩湛謹生崇道理曲統川爲兩爨大鬼主

唐興率西南夷內附因置南寧昆協諸州

時武德元年見新唐書地理志爨氏繼爲刺史督都統其地

武德元年以爨旻子宏達爲昆州刺史貞觀元年以爨王爲南寧州督都見新唐書南蠻傳

當天寶

中東北自曲靖州西南至宣城邑落相望牛馬被野在昆川曲軛晉

寧喻獻安寧至龍和城謂之西爨在曲靖州彌鹿川升麻川南至步

頭謂之東爨西爨白蠻也東爨烏蠻也

蠻書按新唐書南蠻傳云自曲靖州西南昆川曲軛喻獻安寧距龍和城通謂之西爨白蠻自彌鹿升麻二州南

至步頭謂之東爨烏蠻以曲靖二州屬白蠻地又在烏蠻界去石城今考蠻書云第九程至魯望即蠻漢兩界舊曲靖之地也過魯望第七程至竹子嶺嶺東有暴蠻部落嶺西有盧鹿部落第六程至生蠻磨彌殿部落此等部落皆東爨部落也曲靖二州以西之地皆烏蠻

則曲靖二州固烏蠻之境也蠻書唐書南蠻並云蒙歸義爲南寧州都督理石城則石城固曰白蠻境也今從唐書刪烏蠻下石城

以漢人姓爲蠻夷部號於是漢人

變夷爨氏之興也昆明蠻東北徙咸亨中十四姓率二萬戶內附析

其地爲殷州總州敦州

舊志云昆明之地史記云西自同師以東北至檉榆檉榆西洱河或云卽金沙江後漢書邪龍縣昆明夷南當在今會理州永北縣敦州居南當在今昭通及貴州遵義大定二府按西南夷列傳云嵩州昆明皆編髮隨

唐以後昆明又在金沙江以北唐書地理志嵩州有昆明縣卽今四川鹽源縣又南蠻傳戎州西北爲殷州戎州今敘州府殷州當今越

嵩廳寧遠府總州居西南當在今會理州永北縣敦州居南當在今昭通及貴州遵義大定二府按西南夷列傳云嵩州昆明皆編髮隨

畜遷徙毋常處無君長地方可數千里唐書南蠻傳云爨蠻西有昆明蠻一曰昆彌以西洱河爲境卽檉榆河也距京師九千里土燯溼宜杭稻人辯首左衽與突厥同隨水草牧畜據此則昆明蠻以牧畜爲業自漢至唐無異大凡牧畜之國易於遷移故兩爨與而昆明北

也 徙 爨蠻之西有求徒莫柢儉望二種蠻 按新唐書地理云貞觀二十三年落蠻求徒莫柢儉望二種部落內附置旁望求邱覽五州而蠻書唐書南蠻志均

作徒莫柢蠻以兩種誤脫爲一種今從地理志 秦臧有獨錦蠻鐵橋東北大施賧尋斂賧有施蠻劍共

諸川有順蠻劍川有長禪蠻鐵橋上下大婆小婆三探覽昆池等川

有摩蠻本姚州部落百姓竹子嶺東有盧鹿蠻皆烏蠻也又有八詔

曰石傍詔居白崖城曰矣羅識詔居劍川曰蒙舍詔居蒙舍川曰越

析詔居越析川曰浪穹詔居浪穹曰遼賧詔居遼賧曰施浪詔居矣

苴和城而蒙舍詔最南居蒙舍川故曰南詔皆哀牢夷後烏蠻別種

也弄棟縣有弄棟蠻青蛉縣有青蛉蠻皆白蠻也雜種穿鼻蠻居拓東城南諸蠻時降時叛唐置羈縻諸州因其豪帥爲刺史縣令父子

相繼無子即以其黨有可者公舉之

諸蠻會之爲刺史縣令可考者如蠻書獨錦蠻烏蠻苗裔也在秦臧南去安寧兩日程天寶中爲歸州刺史弄棟蠻其地常爲

種內附置旁望覽邱求五州至如以牂牁首領地置牂牁州以南謝蠻首領謝蠻地置莊州以牂牁蠻別部地置兗州以東謝首領謝元深地置應州則皆不在滇境也而通鑑韋仁壽爲牂州都督將兵至西洱河周歷數千里蠻夷豪帥望風歸附仁壽承制置七州十五縣

皆各以其豪帥爲刺史縣令

斯時也漢人無聞若西洱河蠻鐵橋北漢裳蠻僅存華語華

服而與蠻戎同風焉初武德四年以故哀牢地人多姓姚改置姚州

姚州嘗曰部落首領爲刺史新唐書地理志貞觀二十三年諸蠻求徒莫抵儉望二見唐書張柬之傳及太平寰宇記記又云姚州漢益州郡之雲南縣古滇王國按史記西南夷列傳莊蹻開滇旁池立國後因以爲益州郡漢書地理志益州郡武帝元封二年開應劭曰故

滇王國也滇王地自在益州不在哀牢此時哀牢地人多姓姚唐書松外蠻多楊趙李董四姓自云本華人太平寰宇記滇池以西皆云莊蹻苗裔蓋漢化於蠻已不得謂爲漢人矣

垂拱之間中原之亡

命有二千散在彼州專掠奪爲業

見唐書張柬之傳

其後亦不見史傳八詔南詔

最强詔主舍龍六傳至皮羅閣開元末逐河蠻取太和城受唐冊爲雲南王遂并蒙雋詔驅越析詔於瀘北滅之收浪穹詔澄賧詔徙之

於永昌脅降施浪詔其主施望欠以衆走永昌而其弟望千降於吐蕃時傍敗徙白崖旋滅矣羅識奔吐蕃神川都督居羅些城入詔既

一於是又并河蠻徙之於雲南東北拓東城以居是時並開南

開南唐書南蠻傳作

關南今從蠻書

銀生永昌尋傳鐵橋西北邊延瀾滄江有撲子蠻瀾滄江西有

望苴子蠻永昌西北有望外蠻永昌開南有墨齒蠻金齒蠻銀齒蠻

繡腳蠻繡面蠻芒部蠻皆雜種類皮羅閣皆臣役之

蠻書尙有尋傳蠻裸形蠻栗粟兩姓蠻豐巴蠻皆爲南詔役

初西爨爨歸王爲南寧州都督理石城襲殺東爨蓋聘蓋啓父子遂有升麻川歸王兄摩逆逆生崇道理曲軛川爲兩爨大鬼主崇道弟日進日用在安寧城及章仇兼瓊開步頭路方於安寧築城羣蠻騷動陷殺築城使者立宗遣使敕雲南王蒙歸義討服之無何崇道殺日進又陰害歸王歸王妻阿妊烏蠻女也走投父母稱兵相持諸爨

豪亂阿吒私遣使詣蒙舍川求救歸義奏聞阿吒男守偶

按守偶新唐書南蠻傳作守隅未知孰是

遂代歸王爲南寧州都督歸義仍以女妻之又以女妻崇道男輔朝崇道內懷忿惋外示和平猶與守偶母子日相攻伐阿吒又訴於歸義興師問罪行次昆川信宿而曲輓川潰散崇道南走黎州歸義盡俘其家族羽黨並殺輔朝而取其女崇道俄亦被殺諸爨由是離弱及歸義卒子閣羅鳳立守偶並妻歸河賧從此與皇化隔絕阿吒自爲烏蠻部落王從京師朝參大蒙恩賞閣羅鳳遣昆川刺史楊牟利以兵圍脅西爨徙二十餘萬戶於永昌城烏蠻以言語不通多散林谷故得不徙是後自曲州靖州石城升麻川昆川南至龍和以來蕩然兵荒日用子孫立在永昌城界內烏蠻種類稍稍復振後徙居西爨故地與南詔爲婚姻之家及閣羅鳳孫異牟尋立貞元十年異牟

尋攻施蠻城邑虜其王尋落並宗族置於蒙舍城養給之虜順蠻王
傍瀾潛宗族置於雲南白崖養給之其部落百姓則散隸東北諸川
遷長禪蠻部落與施蠻部落養給之襲破鐵橋及昆池等城凡虜獲
磨蠻萬戶盡分隸昆川左右及兩爨故地異牟尋子勸利立太和三
年悉衆寇蜀入城都止西郭十日慰賚居人市不擾肆將還乃掠子
女工伎數萬引而南南詔自是工文織與中國埒五年西川節度使
李德裕遣使詣南詔索所虜百姓惟得四千人而還驃國在永昌城
南七十五日程閣羅鳳所通太和六年劫掠之虜其衆三千餘人配
隸拓東令之自給其子孫食蟲魚瀾諾國瀾臣國在永昌西南六十
日程太和九年破之虜其族二三千人配麗水淘金南詔極盛而衰
鄭趙楊相承其祚不永段氏高氏皆白蠻也

通鑑梁建方至西洱河其地有楊趙李董數十姓語雖小說生業風俗大略與中國同自云本

皆華人蠻書語音白蠻最正蒙舍蠻次之諸部落不知但名物或與漢不同及四聲訛重元史地理志蒙氏改永昌州為會同府置五驗徙張王李趙楊周高段何蘇龔尹十二姓於此三書所載實一種而元於諸姓特詳有高段二姓元史信直日傳信直日其先蠻人也明史土司傳云元江南詔以屬銀生有節度徙白蠻蘇張周段等十姓成之焚人即白蠻史用字例多混

以牧守合力滅

楊干貞段氏立於西高氏封於東顧白蠻自蒙氏時舉族西徙散離

而還勢已大殺又直篡亂頻仍之後故二氏號令所及各不出數郡

縣元史地理志於諸路州縣之下特著為段氏所置或能號令者會川永昌鄧川蒙化趙州姚州雲南太和高氏所置或能號令者見明嘉明晉寧昆陽威楚鎮南南安北勝蓋益以外則皆諸蠻部落志云世祖征大理凡收府八郡闡其一也郡四部三十有七其地

東至普安路之橫西至緬甸之江頭城南至臨安之鹿滄江北至羅羅斯之大渡河兀良台傳云自出師至此二年平大理五城八府四郡泊烏白蠻等三十七部所謂五城八府四郡者段高二氏直屬之郡縣其外則皆蠻夷也據石城碑段子珍以盟誓要諸部落及段

興智既降於元而諸部落並不俱服迭為畔亂猶待信直日為元討定俱可見諸部於段氏不過名分上奉為共主而已

封畿以外諸蠻各自為部落者三十

有七曰羅部在元羅次曰羅婺部在元武定路曰于矢部在元普安路曰磨瀾部在元曲靖路曰羅

溫部在元陸涼路曰普麼部在元越州曰新丁部在元仁德府曰羅蘭部在元禮州曰沙麻部在元中縣曰

阿都部在元里州曰科部在元開二州曰絳部在元姜州曰烏撒部曰阿頭部曰易溪部

曰易娘部曰烏蒙部曰閩畔部曰芒市部曰阿晟部八部元為烏蒙烏撒宜慰司地皆烏蠻